

Item die *Architectura* ist getheilt in drey Theil wo von das eine ist *Edificatio*, vnd ist zweyerley/ als engen vnd noch gemein/ welche sein Mauren/ Thürn/ Pforten/ etc. vnd andere Tempel vnd Gottes Häuser. Etliche *Edificatien*, zu bequemliche/ oder wolgelegenheit/ als Hafen Märckt, Platz/ Strassen/ vnd Wandlungen/ etc. Wisset ihr auff die geschwinde Dertter muß man gut acht nemen/ böse Lüfte zu schewen/ auch Mauren vnd Thürn kömlich zu setze/ vnd die von den strassen zu führen/ damit sie von bösen Windē befreit werde so viel möglich. Vnd das sich die *Architect* selbst besser durch sinne werde ich euch allhie ein Exempel erzählen von ein vornemmen *Architect* genant *Dinocrates*, der ihm selbst zu viel vertraute auff seine klugheit vnd Verstand/ der ist kommen zum *Alexander Magno*, als er Asia vnder sich bracht/ da kam er nit heymlich zum König / dann er war ein Mann von grosser Statur/ schön von Angesicht / in Tugenden vnd Händeln expert/ verließ sich viel auff seine natürliche Gaben/ der ließ seine klenner in der Herberg vnd salbere seinen Leib mit wolschmeckenden Oelen/ setz ein Lorbeerz Kranz auff sein Haupt vnd auff die lincke Achsel ein Löwenhaut. vnd in der rechten Hand hat er ein Knodse/ eben wie man den *Herculem* mahlt/ vnd trat er also gar stattlich nach des König Sessel zu/ jederman verwundert sich ( auch der König) der ein solchs Bild sahe daher kommen / so man ihn fragte wer es war/ antwort er dem König/ Ich bin *Dinocrates*, der gross *Architect* auß *Macedonien* / euch bringend ein Figur/ oder Gestalt zu ewren Ehren/ nemlich den Berg *Athos*, hab ich abgebildet in die gestalt eines Manns/ der würd in der lincken Hand halten ein grosse Statt/ in der rechten ein Gefäß/ welches empfängt alle Wasser des Gebürgs / die sollen darauff in die See gestürt werden/ von diesem Vorschlag ward *Alexander* auß der massen erfreut/ doch hat er gefragt / ob etwann die Begne auch Acker vnd Weinberg waren/ die Leuth derselben Statt damit zu speisen/ aber verstehend nein/ was also der Vorschlag nichts/ doch würdt *Dinocrates* nit verlassen/ aber er zimmerte ein Statt in *Egypten* genant *Alexandria*, nach des König Name: hierauf kan man mercken/ was die *Architecten* zu der zeit waren/ daß sie nit allein könten schneyden Capitellen Zophoren/ Coronnen/ etc. Aber könten sie so klug angreifen den Berg *Athos*, vnd darauff eine Figur zu machen/ von dem grossen vngläublichen Gebürg / aber der gar grosse mangel der vnderhaltung hats nit leyden wollen : sonst solte dises Werck vbertrossen haben alle die Wunder von den *Sepulturen*, *Sculpturen*, vnd *Architecturen*, ja daß *Sepulchrum Amasi*, welches zu ewiger gedächtnuß gesetzt wird von dem *Mausolo*, gleicher weis so vbertraff *Alexander* alle Fürsten. Diese kurze ermahnung würdt der *Architect* zu seiner ewren *Instruction* annehmen/ vnd wollen kommen zur Ehrung vnd vnderweis/ von vnserer vorgemelten Büchhs.

